



Nr. 02/ZDP/VE/2015

Datë: 6 maj 2015

Në mbështetje të nenit 14.1, 15.1 dhe 21.2, ndërlidhur me nenin 27.2 të Ligjit Nr. 03/L-051 për Aviacionin Civil ("Gazeta Zyrtare" Nr. 28, Viti III, datë 4 qershor 2008, më tej "LAC"), si dhe nenit 6.4 dhe 23.1 të Rregullores së brendshme të Autoritetit të Aviacionit Civil të Kosovës (AAC),

Duke marrë parasysh përgjegjësinë e AAC-së për mbrojtjen e të drejtave dhe interesave të personave fizikë dhe juridikë, si dhe palëve të interesuara të cilat mund të pretendojnë se janë dëmtuar nga një veprim, mosveprim, ose lëshim procedural ose material nga strukturat e AAC-së, nga një person juridik i cili vepron sipas autorizimit të AAC-së, apo një person juridik i cili mbikëqyret nga AAC,

Me qëllim të krijimit të mundësisë për kundërshtim të një veprimi, mosveprimi ose lëshimi me rrugë procedurale administrative brenda AAC-së, në pajtim me nenin 27.2 të LAC dhe Ligjit për Procedurën Administrative në fuqi,

Drejtori i Përgjithshëm i AAC-së, nxjerr këtë:

VENDIM

Neni 1

Themelohet Komisioni i Ankesave pranë AAC-së ("Komisioni") si strukturë e ndarë dhe e pavarur nga strukturat tjera të AAC-së në këtë përbërje:

- | | |
|-------------------------|-------------------------------------|
| 1. Eset Berisha | Kryetar - Menaxher i Zyrës për ÇJRR |
| 2. Lendita Kika-Berisha | Anëtar - Menaxher i Zyrës për ABKC |

Anëtari i tretë do të caktohet me vendim të vecantë për çdo rast që trajtohet nga Komisioni.

Neni 2

2.1 Mandati i Komisionit fillon nga dita e hyrjes në fuqi të këtij Vendimi dhe do të zgjasë tri (3) vjet. Mandati i kryetarit dhe anëtarit të Komisionit është i lidhur me funksionin të cilin ata e mbajnë në AAC.

2.2 Përjashtimisht, mandati i kryetarit dhe anëtarit të Komisionit mund të ndërpritet me vendim të Drejtorit të Përgjithshëm për arsyt e parapara me ligj.

2.3 Gjatë seancave të tij, Komisioni do të funksionojë në përbërje të kryetarit dhe dy anëtarëve. Komisioni do të ketë kompetenca të shqyrtojë dhe të vendosë:

- a) kërkesat për rishqyrtim të vendimeve administrative që lëshohen nga drejtori i përgjithshëm apo strukturat e AAC-së;
- b) të shqyrtojë të gjitha veprimet, mosveprimet, lëshimet procedurale apo materiale nga strukturat e AAC-së sipas autorizimeve të dhëna nga LAC, e të cilat prekin në mënyrë të drejtpërdrejtë ose në një mënyrë tjetër, interesat e ndonjë personi fizik apo juridik;
- c) të shqyrtojë të gjitha veprimet, mosveprimet, lëshimet procedurale apo materiale si dhe të vendosë ankesat kundër vendimeve të lëshuara nga një person juridik i cili vepron sipas autorizimit të dhënë nga AAC-ja, në bazë të një vendimi apo akti nënligjor të lëshuar nga AAC-ja, e të cilat prekin në mënyrë të drejtpërdrejtë ose në një mënyrë tjetër, interesat e ndonjë personi fizik apo juridik;
- d) të shqyrtojë të gjitha veprimet, mosveprimet, lëshimet procedurale apo materiale si dhe të vendosë ankesat kundër vendimeve të lëshuara nga një person juridik në përputhje me kompetencat dhe fushëveprimin e tij të paraparë me ligj apo ndonjë akt tjetër nënligjor, përderisa fushëveprimi i tij i nënshtrohet aktivitetit të mbikëqyrjes së AAC-së sipas LAC-it, dhe të cilat prekin në mënyrë të drejtpërdrejtë ose në një mënyrë tjetër, interesat e ndonjë personi fizik apo juridik.

Neni 3

3.1 Gjatë ushtrimit të funksionit të tij, Komisioni do të veprojë në përputhshmëri të plotë me dispozitat përkatëse për ankimime administrative sipas ligjit në fuqi për procedurën administrative.

3.2 Komisioni do të ketë të gjitha kompetencat e nevojshme për marrjen e provave, dëshmime, ekspertizave, lëshimin e urdhrave për paraqitje, kërkimin e dokumentacionit të nevojshëm dhe çdo veprim tjetër të nevojshëm lidhur me vendosjen përfundimtare të çështjes e cila është objekt shqyrtimi nga ana e Komisionit.

Neni 4

4.1 Të gjitha vendimet e Komisionit duhet të merren me shumicë votash. Të gjithë anëtarët e Komisionit duhet të deklarojnë për apo kundër, abstenimet nuk lejohen. Vendimet do të hartohen në formën dhe mënyrën e paraparë me ligjin e procedurës administrative dhe duhet të nënshkruhen nga kryetari i Komisionit.

4.2 Vendimet e Komisionit, sipas nenit 2 të këtij Vendimi janë të formës përfundimtare dhe të ekzekutueshme nga dita e hyrjes së tyre në fuqi, në përputhje me Ligjin në fuqi për procedurën administrative.

Neni 5

Në rast të paraqitjes së ndonjë konflikti interesi tek ndonjë anëtar i Komisionit në ndonjë çështje e cila është objekt shqyrtimi dhe vendosjeje nga Komisioni, atëherë anëtari i Komisionit do të zëvendësohet me një anëtar tjetër të emëruar *ad hoc* nga Drejtori i përgjithshëm.

Neni 6

Komisioni mund të hartojë rregulla pune me qëllim të mbarëvajtjes së procesit të punës së tij dhe udhëzimit të nevojshëm për palët e interesit.

Neni 7

Ky Vendim hyn në fuqi më 6 maj 2015.

Prishtinë, 6 maj 2015



Dritan Gjonbalaj
Drejtor i përgjithshëm